

12 DEC 2002

#### LAPAN LAGI KURSUS PERINGKAT IJAZAH DI KUTKM

MELAKA, 12 Dis (Bernama) -- Kolej Universiti Teknikal Kebangsaan Malaysia (KUTKM) merancang menambah lapan lagi kursus peringkat ijazah bagi sesi 2003/2004 yang akan bermula pada Jun tahun depan.

Pengerusi Lembaga Pengarah KUTKM Tan Sri Mohd Saleh Sulong berkata pada masa kini KUTKM menawarkan 14 kursus pengajian dalam bidang kejuruteraan dan teknikal meliputi sembilan di peringkat ijazah dan lima di peringkat diploma.

"Dengan penawaran kursus tersebut, KUTKM bercadang untuk menceburi secara aktif bidang penyelidikan dan pembangunan," katanya pada majlis pelancaran Kelab Perpaduan dan Sambutan Hari Raya Aidilfitri KUTKM hari ini.

Majlis itu dilancarkan oleh Yang Dipertua Negeri Melaka Tun Syed Ahmad Shahabudin dan turut dihadiri oleh Ketua Menteri Datuk Seri Mohamed Ali Rustam.

Saleh berkata KUTKM akan menerima kemasukan 1.500 pelajar baru bagi sesi akan datang.

KUTKM kini beroperasi di kampus sementara di Taman Tasik Utama sementara kampus tetap di mukim Durian Tunggal siap pada 2004.

Mohd Saleh berkata KUTKM merupakan IPTA yang pertama di negara ini yang menubuhkan Kelab Perpaduan seperti yang disarankan oleh Perdana Menteri Datuk Seri Dr Mahathir Mohamad baru-baru ini.

Menurutnya suasana keharmonian hubungan kaum adalah penting untuk satu persekitaran budaya pembelajaran yang aman dan kondusif.

-- BERNAMA

NO NMO